

**BN: Semuanya hanya dalam kepala Khalid**

**MalaysiaKini.com**

**April 30, 2013**

**By Hazlan Zakaria**

BN Selangor hari ini menolak dakwaan bahawa mereka menerbangkan pengundi luar dari Sabah ke negeri itu, seperti didakwa Menteri Besar Tan Sri Khalid Ibrahim semalam.

Timbalan pengarah pilihan raya BN negeri Datuk Seri Mohd Zin Mohamed berkata, semua itu hanya imaginasi liar dan dakwaan terdesak semata-mata.

NONEBercakap dalam sidang media di Shah Alam hari ini, beliau berkata, pemindaan besar-besaran pengundi memerlukan keupayaan yang besar dan tidak boleh mudah-mudah disembunyikan.

"Ini macam memindahkan tujuh batalion ke Sabah," katanya sambil menjelaskan langkah itu turut memerlukan pengangkutan dan penempatan.

"Adakah kamu nampak perkara sebegini (di Selangor)? Jika tidak ini hanya imaginasi liar dia (Khalid) sahaja."

Khalid yang juga pengerusi Pakatan Rakyat Selangor semalam mendakwa, risikan mereka mendapati Umno telah membawa masuk pengundi luar, khususnya dari Sabah menggunakan pengangkutan udara.

Bagaimanapun, Khalid yang juga menteri besar berkata, kumpulan itu tidak didaratkan di lokasi biasa di Lapangan Terbang Antarabangsa Kuala Lumpur (KLIA) dan Lapangan Terbang Tambang Murah (LCCT) tetapi di "kawasan tertentu".

Copyright © 1999-2012 Mkini Dotcom Sdn. Bhd

Source: <http://www.malaysiakini.com/news/228534>